

«Շիրակի ուսուցիչների միություն» գիտական կենտրոն ՀԿ

Վերապատրաստող կազմակերպություն

Ավարտական հետազոտական աշխատանք

Թեմա՝ Կերպարվեստի դասավանդման առանձնահատկությունները

Առարկա- կերպարվեստ

Դպրոց՝ Գյումրու թիվ 19 հիմնական դպրոց

Ուսուցիչ՝ Փուրթոյան Արմինե

Ղեկավար՝ Կարինե Ալեքսանյան

## ԲՈՎԱՆԴԱԿՈՒԹՅՈՒՆ

Ներածություն-----	3
Գլուխ առաջին- Կերպարվեստի դասավանդումը տարրական դասարաններում:-----	5
Գլուխերկրորդ: Կերպարվեստի դասավանդման նպատակը և խնդիրները:-	11
Եզրակացություն-----	16
Օգտագործված գրականության ցանկ-----	17

## Ներածություն

Ժամանակակից հանրակրթական դպրոցում յուրաքանչյուր ուսումնական բնագավառում ուսումնական գործունեության տեսակները նախագծելիս պետք է նկատի ունենալ ոչ միայն տվյալ առարկայի գծով գիտելիքների հաղորդման, այլև սովորողի մեջ նշված հատկանիշների ձևավորման և զարգացման անհրաժեշտությունը: Իր յուրահատկության, բովանդակության, ինչպես նաև ուսումնական բոլոր առարկաների հետ փոխադարձ կապ ստեղծելու բացառիկ հնարավորության շնորհիվ, Կերպարվեստը կոչված է խթանելու սովորողների մտավոր և հոգևոր ներուժի բացահայտումը, զարգացումը և հարստացումը, ընդհանուր աշխարհայացքի ձևավորումը: Կերպարվեստի տարբեր տեսակներին հաղորդակցվելը և ինքնուրույն գեղարվեստական գործունեություն իրականացնելը նպաստում է՝ -Իրականության գիտակցական և զգայական ընկալման ձևավորմանը. -Վերլուծական և ստեղծագործական մտածողության զարգացմանը.

-Անձի ինքնաճանաչմանը, ինքնաարտահայտմանը և մտահորիզոնի ընդլայնմանը. - Սովորողների գեղարվեստական կրթությանը, գեղագիտական և բարոյական դաստիարակությանը. -Ազգային-հայրենասիրական և մարդասիրական զգացումների արմատավորմանը:

Դասընթացն իրականացվում է երկու հիմնական բաժիններով՝ ստեղծագործական գործունեություն և արվեստի միջոցով իրականության ընկալում: Գեղարվեստական գործունեություն - գծանկար, գունանկար, ծեփ, հորինվածք, տպագրություն/դաշվածք, դեկորատիվ գործունեություն, ավարտուն աշխատանքներ և ցուցադրություններ: Գաղափարների հավաքագրում, ստեղծագործական աշխատանքների կատարման պայմանների, մոտեցումների և միջոցների ուսումնասիրություն, անհրաժեշտ նյութեր և գործիքներ:

Կերպարվեստի տարրերի և դիզայնի սկզբունքների ուսումնասիրություն, բնօրինակից, հիշողությամբ կամ երևակայությամբ տարբեր առարկաների պատկերում: Թեմատիկ պատկերում՝ իրականության, բնության որոշ երևույթների, կենցաղային թեմաներով սովորողների տպավորությունների իրատեսական, վերացական, երևակայական հաղորդումը:

Ստեղծագործական աշխատանքների վերանայում, ավարտ և ցուցադրություն:  
Արվեստի միջոցով իրականության ընկալում - ստեղծագործական աշխատանքների  
մեկնաբանություն, վերլուծություն, քննում, գնահատում և արժևորում: Արվեստի  
ստեղծագործությունների նշանակության, նպատակների, իմաստի ուսումնասիրում:  
Արվեստագետների դերը հասարակության մեջ: Տարբեր ժամանակաշրջանների  
արվեստի տեսակների, ժանրերի, ձևերի, ոճերի և ուղղությունների ուսումնասիրում:  
Տեխնոլոգիական նորարարությունների դերը արվեստի բնագավառում:  
Արվեստագիտական տարբեր մասնագիտություններ: 2 Արվեստի ուսումնասիրումը և  
մյուս առարկայական բնագավառները: Արվեստի կապը գիտության մյուս ճյուղերի  
հետ:

Կերպարվեստի ուսումնական գործունեությունը իրակացվում է խառը  
ուսուցման ձևաչափով ելնելով՝ թեմայի բովանդակությունից, Առաջարկվող  
գործունեության ձևերի բնույթից, դասի նպատակից, դասարանի, սովորողների,  
ուսումնասիրվող նյութի, քննարկվող հիմնախնդրի առանձնահատկություններից,  
առկա հնարավորություններից և այլ հանգամանքներից: Առաջարկվում է կիրառել  
դեմ առ դեմ և առցանց ուսուցման եղանակները՝ համադասարանական,  
անհատական, զույգերով և փոքր խմբային աշխատանքների միջոցով: Ուսուցումն  
իրականացվելու է համապատասխան նկարակալներով, դազգահներով,  
երաժշտական գործիքներով, տեխնիկապես հագեցած, արվեստի սենյակներում կամ  
դպրոցական արվեստանոցներում: Ուսումնական գործընթացում, կարող են ընտրվել  
ուսումնական գործունեության այլընտրանքային տեսակներ:

## Գլուխ առաջին: Կերպարվեստի դասավանդումը տարրական դասարաններում:

Տարրական դասարաններում կերպարվեստ առարկայի բովանդակությունն է կազմում ստեղծագործական գործունեության մի քանի տեսակներ: Նկարչական գործունեություն: Բնօրինակից, հիշողությամբ և երևակայությամբ նկարչություն:, բնական դիտումների վրա հիմնված նկարչություն: Գործունեության այս տեսակը նախատեսում է խաղալիքների և այլ ոչ բարդ օբյեկտների պատկերում հիշողությամբ և բնօրինակից՝ ժողովրդական հեքիաթների թեմաներով, շրջապատող կյանքի պատկերում, որն իրականացվում է նախնական դիտարկումներով և երևակայությամբ: Գեղարվեստական գործունեություն - գծանկար, գունանկար, ծեփ, հորինվածք, տպագրություն/դաջվածք, դեկորատիվ գործունեություն, ավարտուն աշխատանքներ և ցուցադրություններ: Գաղափարների հավաքագրում, ստեղծագործական աշխատանքների կատարման պայմանների, մոտեցումների նմիջոցների ուսումնասիրություն, անհրաժեշտ նյութեր և գործիքներ: Կերպարվեստի տարրերի և դիզայնի սկզբունքների ուսումնասիրություն, բնօրինակից, հիշողությամբ կամ երևակայությամբ տարբեր առարկաների պատկերում: Թեմատիկ պատկերում՝ իրականության, բնության որոշ երևույթների, կենցաղային թեմաներով սովորողների տպավորությունների իրատեսական, վերացական, երևակայական հաղորդումը: Ստեղծագործական աշխատանքների վերանայում, ավարտ և ցուցադրություն: Արվեստի միջոցով իրականության ընկալում- ստեղծագործական աշխատանքների մեկնաբանություն, վերլուծություն, քննում, գնահատում և արժևորում: Արվեստի ստեղծագործությունների նշանակության, նպատակների, իմաստի ուսումնասիրում: Արվեստագետների դերը հասարակության մեջ: Տարբեր ժամանակաշրջանների արվեստի տեսակների, ժանրերի, ձևերի, ոճերի և ուղղությունների ուսումնասիրում:

Տեխնոլոգիական նորարարությունների դերը արվեստի բնագավառում: Արվեստագիտական տարբեր մասնագիտություններ: Արվեստի կապը գիտության մյուս ճյուղերի հետ: Ուսումնական գործունեության տեսակներ Կերպարվեստի ուսումնական գործունեությունը իրակացվում է խառը ուսուցման ձևաչափով ելնելով՝

թեմայի բովանդակությունից, Առաջարկվող գործունեության ձևերի բնույթից, դասի նպատակից, դասարանի, սովորողների, ուսումնասիրվող նյութի, քննարկվող հիմնախնդրի առանձնահատկություններից, առկա հնարավորություններից և այլ հանգամանքներից: Առաջարկվում է կիրառել դեմ առ դեմ և առցանց ուսուցման եղանակները՝ համադասարանական, անհատական, գույգերով և փոքր խմբային աշխատանքների միջոցով: Ուսուցումն իրականացվելու է համապատասխան նկարակալներով, դազգահներով, երաժշտական գործիքներով, տեխնիկապես հագեցած, արվեստի սենյակներում կամ դպրոցական արվեստանոցներում: Ուսումնական գործընթացում, կարող են ընտրվել ուսումնական գործունեության այլընտրանքային տեսակներ:

Ծեփակերտում պլաստիլինով և կավով: Այս պարապմունքների ժամանակ աշակերտները ծանոթանում են առարկաների ծավալային ձևերին, սովորում են տոսնոկ առարկայի կառուցվածքը և համամասնությունները: Ծեփակերտումը նպաստում է երեխաների տարածական մտածողության զարգացմանը, նրանց մոտ ձևավորում գեղարվեստական ընդհանրացման կարողություններ, զարգացնում է աշխատանքային հմտությունները: Այս պարապմունքների ժամանակ սովորողները բնօրինակից և երևակյությամբ ծեփում են թռչուններ, կենդանիներ, զանազան խաղալիքներ և ոչ բարդ տարածական կոմպոզիցիաներ: Ուսումնադաստիարակչական խնդիրների լուծման համար ուսումնական ծրագրերում պետք է արտացոլվեն պարապմունքների չորս հիմնական տեսակներ՝ բնօրինակից նկարչություն (զծանկար, գունանկար), թեմատիկ նկարչություն, զարդակիրառական աշխատանք, զրույցներ կերպարվեստի և շրջապատող գեղեցկության մասին: Պարապմունքների հիմնական տեսակները պետք է լինեն միմյանց հետ սերտորեն փոխկապակցված և լրացնեն միմյանց: Անցկացվեն ամբողջ ուսումնական տարվա ընթացքում՝ հիմնված լինելով աշակերտների հետաքրքրությունների վրա, հաշվի առնելով տարվա եղանակյին առանձնահատկությունները, նշանավոր տարելիցները և այլն: Դասերի բոլոր թեմաները ենթարկվում են գեղագիտական, աշխատանքային, բարոյական դաստիարակության խնդիրներին: Նրանցում հաշվի են առնվում աշակերտների հետաքրքրությունները և տարիքային առանձնահատկությունները: 1-4

դասարաններում կերպարվեստի դասվանդման հիմնական նպատակն է սովորողներին ծանոթացնել հարթապատկերային ձևերին, գույների համադրությանը, տարբեր նյութերով աշխատելու կարևորության և հմտության զարգացմանը, բնական և ոճավորված ձևերի բնորոշ հատկությունների տարբերակմանը: Առաջին դասարանից երեխաները սովորում են որոշել և անվանել նկարելու համար ընտրված առարկաները, նրանց գույները, ծանոթանում են տաք և սառը գույների, ինչպես նաև գուներանգներին: Հաջորդ դասարաններում ևս ուսուցիչը շարունակում է զարգանել գունային ներդաշնակ գուգակցումներ ստեղծելու կարողությունները: Գեղանկարչության պարապմունքներն աշակերտներին օգնում են զգալ շրջապատող աշխարհի ամբողջ գունային հմայքը, հարստացնում են նրանց հոգեպես, զարգացնում գեղագիտական ճաշակը: Բնօրինակից նկարչություն: (զծանկար, գունանկար, ծեփ): Բնօրինակից պատկերման առաջադրանքները լինում են երկարատև(1-2 դաս) և կարճատև (ձեպանկարներ և ուրվանկարներ), որոնք կատարվում են 715 րոպեի ընթացքում: Ձեպանկարներն ու ուրվանկարները կատարվում են դասի սկզբում, միջնամասում կամ վերջում (կախված դասի պահանջներից): Սովորողների տեսողական հիշողության, տարածական պատկերացման զարգացման համար պետք է հնարավորին չափ հաճախ հանձնարարել հիշողությամբ և պատկերացմամբ նկարելու առաջադրանքներ: Բնօրինակից նկարելու գործընթացում առարկաները դրվում են դիմային դիրքով: Այս պարապմունքների ընթացքում խրախուսվում է երեխաների ինքնուրույնությունը, որը նկատվում է ծավալների բացահայտման ժամանակ, ինչպես նաև պատկերի ճիշտ արտահայտչականության մեջ: Կարևոր է գտնել ճիշտ մոտեցումները: Թեմատիկ նկարչություն Ուսուցման ընթացքում աշակերտների կերպարվեստային գործունեությունը ընդգրկում է շրջապատող իրականության պատկերումը, ինչպես և գրական ստեղծագործությունների նկարագրումը: Աշխատանքները կատարվում են հիշողությամբ՝ նախապես նպատակաուղղված դիտումների, երևակայության հիման վրա: Դրանք ուղեկցվում են բնօրինակից ձեպանկարների և ուրվապատկերների կատարմամբ: Թեմատիկ նկարներ կատարելիս կատարելագործվում և ամրապնդվում են առարկաների համաչափությունների, կառուցվածքի, ծավալի, տարածական դիրքի, լուսավորվածության, գույնի գրագետ պատկերման ունակությունները: Կարևոր

նշանակություն են ստանում արտահայտիչ նկարելու, կերպարվեստի ճանաչողագեղագիտական էությունը երեխաներին հասցնելու խնդիրները: Ուսումնաստեղծագործական առաջադրանքների համակարգը լրացվում է, որպես երեխաների բարոյական, աշխատանքային և գեղագիտական դաստիարակության կարևոր միջոց ժողովրդական զարդակիրառական արվեստի ուսուցման բաժնով: Կերպարվեստի դասի գործնական ուղղվածության, առօրյա կյանքի հետ նրա կապի ամրապնդման առնչությամբ, դասընթացի մեջ առանձնակի տեղ է հատկացվում միջառարկայան կապերին( մայրենի լեզվի, գրականության, երաժշտության, աշխատանքի ուսուցման, կենսաբանության, գծագրության, պատմության): Թեմատիկ աշխատանքների կազմակերպումը պետք է բխի նաև դպրոցականների ստեղծագործական գործունեության համակարգվածության և հաջորդականության կիրառման առանձնահատկություններից: Ընդհանուր առմամբ, թեմատիկ նկարչության դասավանդման արդյունավտության չափանիշներն են՝ իրականության գեղագիտական ընկալումը, շրջապատի, առարկաների և բնության գեղեցկությանը հուզական արձագանքումը և, ի վերջո, ձևավորվող անձնավորության ստեղծագործական ունակությունների հայտնաբերումը և զարգացումը: Զարդակիրառական աշխատանք Ուսուցումն իրականացվում է ստեղծագործական զարդակիրառական հորին-վածքներ, ձևավորման նախանկարներ կատարելու ընթացքում(հնարավոր են օրինակների հիման վրա վարժությունների կատարումներ): Սովորողները ծանոթանում են ժողովրդական զարդակիրառական արվեստի ստեղծագործություններին: Աշխատանքները կատարվում են բնական տերևների, ծաղիկների, թիթեռների, բզեզների և այլ ձևերի ու գույների զարդարարական ոճավորման հիման վրա: Երեխաները ստեղծագործում են՝ կիրառելով ժողովրդական զարդանախշի պարզագույն ձևերը: Աշխատանքի ընթացքում բացահայլտվում է ժողովրդական արվեստի նշանակությունը՝ որպես գեղագիտական, աշխատանքային և հայրենասիրական դաստիարակության արդյունավետ միջոցի: Զարդակիրառական արվեստի ստեղծագործությունների միջոցով աշակերտները գաղափար են կզամում գեղեցիկի, բարու՝ ժողովրդի ունեցած պատկերացումների ու ավանդույթների մասին: Զարդարարական աշխատանքի պարապմունքների ժամանակ գունային հարաբերությունների ներդաշնակության,

ձևի և գույնի տեսողական հավասարակշռության հասկացությունները կիրառվում են աշխատանքային ուսուցման դասերին՝ գույնզգույն թղթերից կտրված հարթապատկերում, խաղալիքներ պատրաստելիս, ասեղնագործության մեջ և այլն: Գեղեցիկն իրականության մեջ տեսնելու և նկարում վերարտադրելու կարողությունների մշակման, ստեղծագործական գործունեության նկատմամբ աշակերտների հետաքրքրության ձևավորման համար մեծ նշանակություն ունի կյանքի տարբեր կողմերն արտացոլող (բնություն, կենցաղ, ուսումնական աշխատանք, տեխնիկա, սպորտ և այլն) ձևանմուշների, հորինվածքների և առաջադրանքների թեմաների ընտրությունը: Ուսումնադաստիարակչական աշխատանքի ընթացքում հարկավոր է ընդհանրական օգտագործել ազգային արվեստի հնարավորությունները՝ ազգային խորհրդանիշը, տարազները, եռագույն ազգային դրոշմը, ժողովրդական և կրոնական ծիսակատարությունները: Զրույցներ կերպարվեստի և մեզ շրջապատող գեղեցկության մասին Պարապմունքները սեր և հետաքրքրություն են առաջացնում կերպարվեստի նկատմամբ, ընդլայնում աշակերտների պատկերացումները շրջապատող աշխարհի մասին: Ստեղծագործությունների վերատպությունների ցուցադրման ժամանակ անհրաժեշտ է աշակերտներին սովորեցնել հասկանալու նկարների բովանդակությունը, գեղարվեստական տարաբնույթ արտահայտչաձևը(գիծ Զրույցների բովանդակությունը պետք է նպաստի դպրոցականների մեջ հայրենասիրական ավանդույթների նկատմամբ հավատարմություն, ազգային պատմական հուշարձանների և ժողովրդական գեղարվեստական ստեղծագործությունների պահպանման վերաբերմունքի ձևավորմանը: Պարապմունքների նպատակայնությունը, հետաքրքրությունը անշուշտ կմեծանան, եթե դրանք ընթանան ուսուցման տեխնիկական միջոցների, համապատասխան լավ ընտրված տեսանյութերի, շարժանկարների օգտագործմամբ: Հնարավորության դեպքում կազմակերպվում են էքսկուրսիաներ դեպի թանգարաններ, պատկերասրահներ, արվեստի հուշարձաններ: Շատ կարևոր է, որպեսզի աշակերտները մտիկից ճանաչեն և լավ իմանան հայրենական արվեստի, սեփական երկրի ժողովրդական ստեղծագործությունների, դրանց հատկանշական առանձնահատկությունների մասին: Հպարտանան, ոգևորվեն և ոգշնչվեն դրանցով: 1-4 դասարանների

կերպարվեստի ստեղծագործությունների հետ ծանոթացումը կատարվում է դասի սկզբում կամ վերջում՝ 8-10 րոպեից ոչ ավելի: Մեկ զրույցի ժամանակ, որպես կանոն, ցուցադրվում են 2-3 ստեղծագործությունների վերատպություններ: Կերպարվեստի և հարակից առարկաների կապերի իրականացման ընթացքում անհրաժեշտ է օգտագործել ոչ միայն այն ուսումնական նյութերը, որոնք տվյալ դասարանում ուսուցանվում են, այլև այնպիսի նյութեր ու նմուշներ, որոնք աշակերտների կողմից կատարվել են ավելի վաղ կամ նույնիսկ նախորդ դասարաններում: Դա ավելի է ամրապնդում նրանց պատկերացումները, համոզմունքները, զգացողությունները, հետաքրքրությունները: Ընդհանուր բնութագրական առումով այս պարապմունքները պետք է ընդգծվեն ճանաչողական բարձր մակարդակով և հուզականությամբ: Յուրաքանչյուր դաս աշակերտներին գեղեցիկի զգացողության, բարության, հայրենասիրության նոր լիցքեր պետք է հաղորդի: (գույն, հորինվածք և այլն):

## Գլուխ երկրորդ: Կերպարվեստի դասավանդման նպատակը և խնդիրները:

Կերպարվեստը, որպես հանրակրթական դպրոցի ուսումնական առարկաներից մեկը, իր ուրույն տեղն ունի սովորողների դաստիարակության և ուսուցման գործընթացում: Ուսումնական ծրագրի հետ համապատասխան կերպարվեստը որոշակի խնդիրներ է առաջադրում.

1. Ակտիվորեն ներգործել բազմակողմանի, ներդաշնակորեն զարգացած և կրթված հասարակության անդամների ձևավորման, երեխաներին օգնել ճանաչել շրջապատող աշխարհը: Զարգացնել դիտողականությունը, տրամաբանորեն մտածելու կարողությունը, տեսաձևի գիտակցումը: Զարգացնել տարածական մտածողությունը, պատկերացումները:

2. Տալ սովորողներին ռեալիստական նկարի հիմունքների տարրական գիտելիքներ, ձևավորել բնօրինակից, հիշողությամբ, պատկերացմամբ նկարելու հմտություններ, ծանոթացնել դեկորատիվ կիրառական արվեստի ոլորտում աշխատանքի առանձնահատկությունների հետ, երեխաների մոտ զարգացնել կերպարվեստային ընդունակություններ, ստեղծագործական երևակայություն:

3. Նպաստել սովորողների գեղագիտական դաստիարակությանը: Զարգացնել երեխաների ստեղծագործական ընդունակությունները, դաստիարակել գեղարվեստական ճաշակ: Երեխաների մոտ զարգացնել գեղագիտական զգացմունքներ և գեղեցիկի հասկացում, դաստիարակել հետաքրքրություն և սեր արվեստի հանդեպ:

4. Կերպարվեստի ուսուցման ժամանակակից փուլի կարևորագույն խնդիրը սովորողների ազատ մտածելու, ստեղծագործելու կարողությունների մշակումն ու զարգացումն է: Դիտարկենք այս խնդիրները առավել մանրամասները Կերպարվեստի դասավանդումը միջնակարգ դպրոցում ամենից առաջ հանրակրթական նպատակներ է հետապնդում: Հիմնական խնդիրը սովորողների ընդհանուր աշխարհայացքը ընդլայնելն է , նպաստել բազմակողմանի զարգացած անհատականության դաստիարակմանը, կանոնավոր կերպով բարձրացնել սովորողների կրթվածության աստիճանը: Դպրոցում կերպարվեստի դասերը մեծ

հնարավորություն են ստեղծում անհատի զարգացման համար: Նկարչությունը նպաստում է սովորողների բազմակի զարգացմանը՝ այն զարգացնում է և՛ մտավորը, և՛ գեղագիտականը: Նկարչությունը օգնում է ճանաչել շրջապատող աշխարհը, զարգացնում է տեսողական հիշողությունը, տարածական մտածողությունը և պատկերացումները: Այն մարզում է աչքաչափը և սովորեցնում է ճանաչել բնության գեղեցկությունը, սովորեցնում մտածել և զգալ: Նկարելիս երեխաները առավել խորն են ճանաչում շրջապատող աշխարհը: Նրանք ուշադրությամբ ուսումնասիրում են առարկաների ձևերը, դրանց կառուցվածքը, համաչափությունները, դիրքը տարածության մեջ, գունային հարաբերակցությունները և դրանով հանդերձ վարժվում են դրանց առավել արդյունավետ, բազմակողմանի, խորացված և հստակ ընկալմանը: Տեսողական ընկալման զարգացման ներքո հասկանում ենք երեխաների մոտ նպատակաուղղված դիտելու, երևույթները և առարկաները իրար հետ համեմատելու, նմանությունները և տարբերությունները որոշելու, առարկաները ըստ ձևի դասակարգելու կարողությունների դաստիարակումը: Նկարչությունը զարգացնում է երեխաների ստեղծագործական մտածողությունը, խորացնում և ընդհանրացնում է շրջապատող իրականության մասին նրանց պատկերացումները: Փորձը ցույց է տվել, որ այն դպրոցները, որտեղ լավ հիմքերի վրա է դրված նկարչության դասվանդումը, այնպիսի շրջանավարտներ են ունենում, որոնք կարողանում են ցանկացած ոլորտում իրենց կարողությունները և գիտելիքները կիրառել: Ուսուցիչը պետք է ցույց տա երեխաներին հայրենի բնության գեղեցկությունը, տեղանքին հատուկ ձևերի բազմազանությունը և գույները: Բնապատկեր նկարելիս երեխաները ուսումնասիրում են շրջակա բնությունը՝ ծառերի տեսակները, ծաղիկները, լեռները, շրջապատող աշխարհի զանազան ձևերը: Կերպարվեստի պարապմունքները դպրոցում խնդիր է առաջադրում երեխաների մեջ զրգացնել այնպիսի որակներ, ինչպիսիք են կազմակերպվածությունը աշխատանքում, գիտակցաբար և ըստ պլանի աշխատելու կարողությունը: Նկարի կատարման գործընթացը նպատակաուղղված աշխատանք է հանդիսանում: Նկարելիս աշակերտը իր առջև որոշակի նպատակ է ունենում և ձգտում է հասնել դրան: Նա ձգտում է հաղթահարել աշխատանքի ընթացքում առաջացող դժվարությունները և հասնել հաջողության: Որոշակի նպատակի հասնելու համար սեփական ուժերը

կենտրոնացնելու կարողությունը հսկայական նշանակություն ունի մարդու համար, հետագա ամբողջ կյանքում: Կերպարվեստի պարապմուքները սովորողների առջև պլանաչափ աշխատելու մշտական պահանջ է դնում (նկատի ունենք պատկերի կատարման մեթոդական հաջորդականությունը): Աշխատանքում գիտակցականության և հաջորդականության պահանջը օգտակար աշխատանքային ունակություններ է մշակում: Այս որակները անհրաժեշտ է ընդգծել, քանի որ մանկավարժության մեջ դրանք հսկայական դեր են խաղում: Միջնակարգ դպրոցում կերպարվեստի ուսուցման կարևորագույն խնդիրն է հանդիսանում ռեալիստական նկարի հիմունքների բացահայտումը, երեխաներին նկարչության հիմնական եղանակների ուսուցանումը, տարրական գիտելիքներով զինումը: Երեխաները պետք է իմանան, թե ինչպես ճիշտ օգտագործեն նկարչական նյութերը, ինչպես աշխատեն նկարի վրա՝ պահպանելով մեթոդական հաջորդականությունը աշխատանքում: Պետք չէ մտածել, որ միջնակարգ հանրակրթական դպրոցում նկարչության տեխնիկական եղանակների ուսուցումը անհրաժեշտ չէ: Երեխան միայն դպրոցում կարող է ծանոթանալ նկարչության հիմնական եղանակների հետ: Ուսուցիչը պարտավոր է ցույց տալ, թե ինչպես պետք է մատիտը ձեռքում ճիշտ պահել, ինչպես գիծ քաշել, թե ինչպես դրանցով արտահայտել ծավալային ձևը հարթության վրա: Սովորողները պետք է պատկերացում ունենա գծային և տոնային նկարի մասին, սովորեն աշխատել վրձնով և ներկերով, իմանան գունախառնուրդների ճանապարհով անհրաժեշտ երանգները ստանալու ձևերը: Կերպարվեստի դասերի ընթացքում երեխաների ձեռք բերած գիտելիքները, կարողությունները և հմտությունները լայն կիրառություն են ունենում ինչպես այլ դասերի ընթացքում, այնպես էլ հետագա ամբողջ կյանքում՝ աշխատանքային գործունեության ժամանակ: Նկարելու կարողությունը, զնանազան օբյեկտները հստակ պատկերացնելու ընդունակությունը անհրաժեշտ է շատ մասնագիտություններում: Դպրոցում կերպարվեստ առարկայի խնդիրն է հանդիսանում սովորողների գեղագիտական դաստիարակությունը

Գեղագիտական դաստիարակության էությունը կայանում է նրանում, որ յուրաքանչյուր մքրդ սովորի ապրել գեղեցիկ, հետաքրքիր, սովորի տեսնել, զգալ և հասկանալ գեղեցիկը իր ցանկացած արտահայտման մեջ: Գեղագիտական դաստիարակությունը դա արվեստում, բնության և հասարակության մեջ գեղեցիկի

Ճիշտ հասկացման և լիարժեք ընկալման ընդունակության դաստիարակումն է սովորողների մոտ: Երեխաների մոտ գեղագիտական ճաշակ ձևավորելու համար, մանկավարժը պետք է ամենից առաջ աշակերտների ուշադրությունը կենտրոնացնի գեղեցիկի վրա՝ շրջապատող իրականության մեջ: Սովորեցնի զգալ, ընկալել գեղեցիկը, հիանալ, ուրախանալ նրանով: Ճաշակը մարդու բնածին որակ չէ, և այն զարգացնելը դպրոցում առաջին հերթին նկարչության ուսուցչի պարտականությունն է: Նա պետք է երեխաներին սովորեցնի տեսնել և զգալ գույնի, գծերի, ձևերի ներդաշնակությունը: Կերպարվեստի դասավանդումը նոր մեթոդի կիրառմամբ Դպրոցում կերպարվեստի դասերը մեծ հնարավորություն են ստեղծում անհատի զարգացման համար: Նկարչությունը նպաստում է՝ սովորողների բազմակի զարգացմանը՝ այն զարգացնում է և՛ մտավորը, և՛գեղագիտականը: Նկարչությունը օգնում է ճանաչել շրջապատող աշխարհը, զարգացնում է տեսողական հիշողությունը, տարածական մտածողությունը և պատկերացումները: Այն մարզում է աչքաչափը և սովորեցնում է ճանաչել բնության գեղեցկությունը, սովորեցնում մտածել և զգալ: Ընդհանուր բնութագրական առումով այս պարապմունքները պետք է ընդգծվեն ճանաչողական բարձր մակարդակով և հուզականությամբ: Յուրաքանչյուր դաս աշակերտներին գեղեցիկի զգացողության, բարության, հայրենասիրության նոր լիցքեր պետք է հաղորդի: Աշխատանք փոքր խմբերով Ուսուցման ձև է,որը սովորողներին հնարավորություն է տալիս դասընկերների հետփոխանակելիքենցգիտելիքներն ու փորձը, համատեղ լուծել խնդիրներ: Մեթոդի կիրառման ժամանակ սովորողներըգիտակցաբար և ակտիվ համագործակցության մեջ են մտնում, քանի որ ունեն ընդհանուր մինպատակ: Աշխատանք զույգերով, ենթախմբերով Երեխայակենտրոն ուսուցումն ապահովելու ևուսուցմանարդյունավետությունը բարձրացնելու նպատակով շատ կարևոր է զույգերով և ենթախմբերովհամագործակցային աշխատանքների կազմակերպումը: Այն երեխաներին հնարավորություն է տալիս համագործակցել, փոխանակել միմյանց հետ իրենց գիտելիքներն ու փորձը, սովորել միմյանցից, ձգտել հասնելու ընդհանուրնպատակին: Երեխաները հասկանում են, որ իրենց հաջողությունը կախված է խմբի բոլոր անդամներիներդրումից: Նման խմբերին բնորոշ են թիմային աշխատանքի ոգին, ընդհանուր նպատակին հասնելու համար առավելագույն

անելու ցանկությունը, փոխկախվածությունն ու փոխկապվածությունը, սոցիալականփոխազդեցության հմտությունները, խմբի աշխատանքի ընթացքը և արդյունքը մշտապես գնահատելուուվերանայելու կարողությունը: Փոքր խմբերով ուսուցումն ունի հետևյալ նպատակները. 1. զարգացնումէխնդիրներ լուծելու կարողությունը, 2. ձևավորում է հաղորդակցման հմտություն, 3. երեխաները սովորումենմիմյանցից, 4. զարգանում է երեխայի պատասխանատվության զգացումը, 5. խթանում էթիմայինաշխատանքը,

6. ապահով և նպաստավոր միջավայր է ստեղծում գիտելիքներն ու հմտություններըդրսևորելու համար,

7. ընձեռում է ակտիվ մասնակցության և ինքնադրսևորման հնարավորություն: Իմ աշխատանքային պրակտիկայում առաջին անգամ տարրական դպրոցի 2-րդ դասարանում կատարել եմ խմբային աշխատանք՝ թեմայով: Երեխաներն այդ աշխատանքը կատարել են 3 տարբեր նյութերով՝ 1ին խումբ(գունանկար), 2-րդ խումբ(պլաստիլինով), 3-րդ խումբ(գունավոր թղթերով): Երեխաների մոտ բավականին լավ ստացվեց թիմային աշխատանքը: Այն երեխաներինհնարավորություն տվեց համագործակցել, փոխանակել միմյանց հետ իրենց գիտելիքներն ու փորձը, սովորելմիմյանցից, ձգտել հասնելու ընդհանուր նպատակին: Երեխաները հասկացան, որ իրենց հաջողությունըկախված է խմբի բոլոր անդամների ներդրումից:

## Եզրակացություն

Հետազոտական աշխատանքս կատարելիս եկել եմ եզրահանգման, որ առարկայի դասաժամերին նոր մեթոդների կիրառումը նպաստում է դասապրոցեսին աշակերտների ակտիվության բարձրացմանը, ձևավորում է խմբում աշխատանք կատարելու ընդունակությունները, ձևավորվում և զարգանում է աշակերտների խոսքի կարծիք արտահայտելու, վերլուծելու, քննարկելու, մեկնաբանելու կարողությունները և հմտությունները: Յուրաքանչյուր մեթոդ ուղղված է կոնկրետ առաջադրանքի լուծմանը, իրավիճակի բացահայտմանը, այսինքն՝ մանկավարժը մեթոդները ընտրում և կիրառում է՝ կախված իրավիճակից, կարևորվում է իրավիճակային մոտեցումը, նաև աշակերտի տարիքային, անհատական, հոգեբանական առանձնահատկությունները: Հետազոտական աշխատանք կատարելիս եկել եմ հետևյալ եզրահանգման Գեղագիտական ճաշակը ձևավորվում է արվեստի ստեղծագործությունների հետ շփան միջոցով, որոնք արթնացնում են մարդու մոտ գեղագիտական ընկալման կարողություն և հմտություն: Հանրակրթական ուսումնական հաստատություններում կերպարվեստի դասաժամերը պետք է անցկացնել մանկավարժական բոլոր պահանջներին համապատասխան: Այդ դասաժամերը պետք է լինեն առավելագույնս արդյունավետ և նպաստեն սովորողի որպես ապագա արվեստագետի ձևավորմանը: Արվեստը օգնում է դաստիարակել բազմակողմանի և ներդաշնակ զարգացած անձ: Նպաստում է աշխարհընկալամ ձևավորմանը:

Նկարիչմանկավարժը պետք է լավ տիրապետի իր մասնագիտկան տեսական և գործնական կողմերին:

Գրականության ցանկ

1. Կերպարվեստը դպրոցում. Շաբաթ. նյութեր և փաստաթղթեր / կազմ.  
Գ.Գ.Վինոգրադովա: Մանկավարժական կրթություն, 1990 թ. (Շաբթ «Կերպարվեստի ուսուցչի գրադարան»):
- 2.Մ. Գ. Երզնկյան, Ա. Բաղդասարյան, Կերպարվեստի բառագիրք, Երևան 2002թ.
3. Լ. Ս. Ներսիսյան , Կերպարվեստ և գեղարվեստական աշխատանք, Երևան 2004 թ.
4. Ա. Հ. Հակոբյան, Երևան 2006թ.
- 5.Լ.Ս. Ներսիսյան Գեղարվեստական պատկերացումների տեղը ստեղծագործական գործունեության մեջ, Երևան 2002թ.
6. Ամիրջանյան Յու. Ա., Սահակյան Ա. Ս. Մանկավարժություն, Երևան 2005թ.
7. <https://escs.am/files/files/2020-07-15/abb6c78e3b3b8b5f8ca3922b1e161f7a.pdf>